



Broj: 01-49-2-1379/15

Datum: 8.7.2015.godine

## IZVJEŠTAJ

o radu Općinskog vijeća Tešanj za period 1.1. – 30.6.2015. godine

### UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
  - a) broj donesenih odluka,
  - b) broj primljenih komentara za svaku odluku pojedinačno,
  - c) broj odluka koje su inicirali građani,
  - d) broj održanih javnih rasprava,
  - e) broj građana koji su prisustvovali javnim raspravama,
  - f) broj sprovedenih analiza ekonomske opravdanosti,
  - g) broj građana koji su prisustvovali sjednicama Vijeća i
  - h) prisustvo vijećnika sjednicama Vijeća.


Izvještaj o radu Općinskog vijeća Tešanj za period 1.1. – 30.6.2015. godine predviđen je u prvom kvartalu Programa rada za 2015. godinu.

### IZVJEŠTAJNI DIO


- a. Općinsko vijeće je donijelo 29 odluke, 10 rješenja i 59 zaključka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bile informacije (33), prijedlozi odluka (29), rješenja (10), inicijativa (7), izvještaja (7), nacrt odluke (1).

Struktura tema i pitanja o kojima se vodila rasprava



U izvještajnom periodu Općinsko vijeće je nakon provedenih rasprava usvojilo ukupno 136 akata i to 29 odluka, 10 rješenja, i 59 zaključaka (koji se odnose na odluke, rješenja, informacije, inicijativa i izvještaje).



- b. Komentara na odluke koje je Vijeće donijelo – nije bilo.

---

- c. Općinsko vijeće je donijelo 7 akata koje su inicirali građani.

---

- d. Održano je 1 javna rasprava.

---

- e. Javnim raspravama je prisustvovalo 8 građana.

---

- f. Sjednicama Vijeća pored redovnih gostiju prisustvovalo je i 3 građana.

---

- g. Nije bilo odluka koje su zahtjevale posebnu ekonomsku opravdanost.

---

- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.

---

Na ukupno 6 održanih sjednica Vijeća u periodu od 1.1.do 30.6. 2015. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Dujić Amir	3 sjednice Vijeća
2.	Šišić Fuad	2 sjednice Vijeća
3.	Halilović Muhamed	1 sjednice Vijeća
4.	Hrvić Ahdet	1 sjednica Vijeća
5.	Jašić Haris	1 sjednica Vijeća
6.	Salkić Aida	1 sjednica Vijeća
7.	Unkić Mirza	1 sjednica Vijeća

## OSTALO

Općinsko vijeće Tešanj je u periodu 1.1. – 30.6.2015. godine radilo u redovnim javnim zasjedanjima. Održano je ukupno 6 redovnih sjednica od toga 1 je bila tematska. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 59 tačaka, od čega su 23 ili 38,98% bile predviđene Programom rada Vijeća za 2015. godinu. Ostalih tačaka 36 ili 61,02 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 9 tačaka dnevnog reda po jednoj sjednici.

Broj Odluka i Rješenja po zahjevima građana i tekućim potrebama bio je dominantan u realizaciji, ali se mora istaći da su odluke, izvještaji i informacije koje su planirane Programom rada Vijeća za 2015. godinu realizovane.

### **Osnovne tematske odluke, koje je Vijeće u izvještajnom periodu donijelo, bile su:**

- Odluka o načinu i kriterijima raspodjele sredstava za finansiranje rada organa mjesnih zajednica,
- Odluka o izmjenama i dopunama Odluke o pogodnostima za investitore u RP Poslovna zona „Bukva“,
- Odluka o pristupanju izmjeni i dopuni RP „Poslovna zona Bukva“,
- Odluka o davanju nekretnina na korištenje u Bukvi,
- Odluka o visini prosječne konačne građevinske cijene na području Općine Tešanj,
- Odluka o odobravanju raspisivanja javnog konkursa na lokalitetu "Vila",
- Odluka o davanju saglasnosti na mogućnost dodjele koncesije na istraživanje i eksploataciju mineralnog resursa - vode na lokalitetu Trepče,
- Odluka o odobravanju objave Javnog poziva radi izgradnje i korištenja parkinga na lokalitetu zv. "Katanga",
- Odluka o davanju na korištenje nekretnina javnim ustanovama "Sportsko-rekreacioni centar" Tešanj i "Opća biblioteka" Tešanj,
- Odluka o nazivima i označavanju ulica, trgova i označavanju objekata brojevima na području Općine
- Odluka o izmjeni i dopuni Odluke o utvrđivanju opisa granica naseljenih mjesta na području Općine
- Odluka o osnivanju Općinskog pravobranilaštva Općine Tešanj,
- Odluka o usvajanju Programa novčanih podsticaja za unapređenje primarne poljoprivredne proizvodnje na području općine Tešanj u 2015. godini,
- Odluka o usvajanju Liste kapitalnih projekata za 2015. godinu,
- Odluka o pristupanju izmjeni i dopuni regulacionog plana "Poslovna zona Glinište",
- Odluka o priznanjima Općine Tešanj,
- Odluka o zaštitnim zonama i zaštitnim mjerama izvorišta vode za piće „ROSSA“ Ljetinić,
- Odluka o izmjenama i dopunama Odluke o organizaciji i sigurnosti saobraćaja na cestama,
- Odluka o izmjenama i dopunama Budžeta Općine Tešanj za 2015. godinu,
- Odluka o izmjenama i dopunama Odluke o izvršavanju Budžeta Općine Tešanj za 2015. godinu,
- Odluke o kreditnom zaduženju Općine Tešanj za realizaciju kapitalnih projekata,
- Prijedlog Odluke o korištenju sredstava posebne naknade za zaštitu od prirodnih i drugih nesreća u Budžetu općine Tešanj,
- Prijedlog Odluke o osnivanju, upravljanju, raspolaganju i korištenju stambenog fonda uz primjenu principa socijalnog stanovanja,
- Prijedlog Odluke o stambenom zbrinjavanju korisnika kolektivnih vidova smještaja kroz implementaciju projekta "Zatvaranje kolektivnih centara i alternativnog smještaja putem osiguranja javnih stambenih rješenja",
- Prijedlog Odluke o izmjenama Odluke o usvajanju i provođenju Regulacionog plana „Poslovna zona Glinište“ općina Tešanj,
- Prijedlog Odluke o odobravanju prodaje zemljišta neposrednom pogodbom u Mekišu,
- Prijedlog Odluke o odobravanju raspisivanja javnog konkursa u Poslovnoj zoni "Bukva",
- Prijedlog Odluke o prodaji zemljišta neposrednom pogodbom u Ljetiniću,
- Prijedlog Odluke Odluka o prodaji zemljišta neposrednom pogodbom kod Hotela u Tešnju.

U izvještajnom periodu Općinsko vijeće nije usvojilo-prihvatilo:

- Informaciju o stanju bezbjednosti na području općine Tešanj za 2014. godine i bezbjednosti učesnika u saobraćaju na području općine Tešanj,

- Prijedlog Rješenja o razrješenju i imenovanju člana Statutarne komisije i prijedlog Rješenja o razrješenju i imenovanju člana Zakonodavno pravne komisije Općinskog vijeća Tešanj.

Sa dnevnog reda skinuti /povučeni: prijedlog Odluke o pristupanju izmjeni Regulacionog plana „Musala“ Tešanj II i prijedlog Odluke o utvrđivanju platnih razreda i koeficijenata Općine Tešanj i Općinskog pravobranilaštva.

Aktivnosti Općinskog vijeća zasnivale su se na zadacima utvrđenim Programom rada Vijeća za 2015. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 29 vijećničkih pitanja na koja je odgovoreno, uglavnom do naredne sjednice Vijeća i podnijeli 7 vijećničkih inicijativa.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljavani u "Službenom glasniku Općine Tešanj", koji su građanima dostupni i na web stranici Općine Tešanj.

## **RADNA TIJELA VIJEĆA**

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovníku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

Na prijedloge Klubova vijećnika SBiH, LDS i SBB, Općinsko vijeće je usvojilo Rješenja o razrješenju i imenovanju članova Komisije za budžet, Statutarne komisije, Komisije za ravnopravnost polova, Komisije za predstavke i prijedloge i Zakonodavno-pravne komisije.

U izvještajnom periodu održano je 17 sastanaka stalnih radnih tijela, s tim da Komisija za primjenu Kodeksa ponašanja vijećnika, Mandatno – imunitetska i Komisija za predstavke i prijedloge nisu održale ni jedan sastanak.

R.br.	RADNA TIJELA	Broj sastanaka od 1.1.-30.6.2015.
1.	Komisija za pitanja mladih	1 sastanak
2.	Komisija za ravnopravnost polova	3 sastanka
3.	Statutarno-pravna komisija	1 sastanka
4.	Komisija za budžet	3 sastanka
5.	Komisija za odlikovanja i druga javna priznanja	1 sastanak
6.	Komisija za izbor i imenovanje	5 sastanaka
7.	Komisija za zaštitu čovjekove sredine	2 sastanka
8.	Zakonodavno-pravna komisija	1 sastanak
9.	Komisija za primjenu Kodeksa ponašanja vijećnika	0 sastanka
10.	Mandatno – imunitetska komisija	0 sastanka
11.	Komisija za predstavke i prijedloge	0 sastanak

Općinsko vijeće je donijelo Rješenje o razrješenju člana Općinske izborne komisije zbog isteka mandata, i Rješenje o imenovanju 1 (jednog) člana Općinske izborne komisije.

## REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka. Općinsko vijeće se informiše dostavljanjem pisanog pregleda svim vijećnicima.

## ZAKLJUČCI

- Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.6.2015. godine uspješno realizovalo svoju ulogu.
- Većina odluka je usvajena jednoglasno.
- Postoji stabilan partnerski odnos između Općinskog vijeća i Općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.
- Aktivnost Vijeća se ogleda i kroz usvojena 36 zaključka upućena Općinskom načelniku i administraciji od kojih je većina realizovana.
- U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

**PREDSJEDAVAJUĆI VIJEĆA**

**Senad Subašić, dipl.oec.**



